

»»» ZER DIRA EMAKUMEEN ETXEAK?

Emakume eta gizonen berdintasunean aurrera pausoak emateko helburuarekin, emakumeen ahalduntzea sustatzen duten udal-ekipamenduak dira.



»»» ZERGATIK INTERESATUKO ZAIT?

Ekipamendu publiko-komunitarioak dira.

Udal ekipamendu publikoak izan arren, herriko emakume eta elkarte feministen parte hartzearekin batera sortutako proiektuak dira partaidetza prozesuen bidez. Egunerokoan, emakumeen parte hartze eta inplikazioarekin batera kudeatzen dira. Baina, Emakumeen Etxe bakoitzak bere bidea egin du, eta horregatik Etxe bakoitzak bere ezaugarri propioak ditu.

Emakumeen topaguneak dira,

Jubilatuaren egoitzak zaharrentzat diren bezala, eta Gaztelekuak gazteentzat, Emakumeen Etxeak emakumeen arteko harremanak bultzatzeko lekuak dira. Hala ere, herritar orori ateak irekiak dituen ekipamenduak dira, oro har.

Espazio irekiak eta seguruak dira.

Normalean ekipamenduan harrera egiten duen profesional bat dago, ekipamendua momentu oro abegikorra izan dadin edozein emakumerentzat, beren egoera sozial-administratiboa oztopoa izan ez dadin. Hala ere, ez da harrera etxe bat, eta indarkeria edo behar sozialen lehen arreta egiten den arren, Gizarte Zerbitzuek kudeatzen dituzte kasuak.

»»» Non daude Emakumeen Etxeak Gipuzkoan?

- Arrasateko Emakumeen Txokoa
- Astigarragako Emakumeon Etxea
- Azpeitiko Emakumeen Txokoa
- Donostiako Emakumeen Etxea
- Eibarreko Andretxea
- Elgoibarreko Lila, Emakumeen Etxea

»»» ZER LANTZEN DA BERTAN?

Emakumeen ahalduntzea.


Sexu-bereizkeriei aurre egiteko norberaren gaitasunak eta ezagutza handitzea dute helburu Emakumeen Etxeek. Horrez gain, norberaren ahalduntzetik ahalduntze kolektiborako bidea ere irekitzen dute, gure gizartean emakumeen posizio soziala hobetzeko.

Indarkeria matxistari modu integralean erantzutea.

Emakumeen aurkako indarkeria matxisten biktimetako zerbitzuak Gizarte Zerbitzuetatik kudeatzen dira. Baina egunerokoan bizi ditugun indarkeria matxistei modu integralean aurre egiten laguntzen digute Emakumeen Etxeek. Harrera eta informazioa, prestakuntza, aholkularitza, harremanak eta erreparazioarako baliagarriak diren zerbitzuak eskaintzen dituzte. Kasu larrientarako, Gizarte Zerbitzuekin koordinazioa eta deribazioa ere egiten da.

Berdintasunaren aldeko elkartegintza feminista sustatzea.

Jakina da mugimendu sozialek, eta kasu honetan, emakume eta eragile feministen bultzada ezinbestekoa dela berdintasunera iristeko. Horregatik Etxeetatik espazio eta baliabideak jartzen dira elkartegintza hau sustatzeko.



- Errenteriako Emakumeen Etxea
- Hernaniko Kulturarteko Plaza Feminista
- Urola Garaiko Emakumeen Etxea
- Zarauzko Emakumeen Etxea
- Zumaiako Emakumeon Etxea



GIPUZKOA
ETORKIZUNA ORAIN
Es futuro

PARTE HARTZE GUNEAK:

- **Etxearen antolamendurako:** Koordinadora edo emakumeen mahaiak.
- **Mugimendu feministaren antolamendurak:** Martxoak 8 plataformak, mundu martxa, erasoen aurkako koordinadorak, besteak beste.
- **Udal berdintasun politiketan parte hartzeko:** Berdintasun Kontseiluak, Emakume eta Hiria foroak, eta abar.

SENTSIBILIZAZIOA:

- **Herri mailako sentsibilizazio** jarduerak.
- **Trebakuntzak:** adibidez, udal langileei.

Bestelako baliabideak

- Ordenagaikuak
- Elkarreentzako armairuak
- Bilera-gelak

KULTURA FEMINISTA

- Liburutegia
- Irakurle taldea
- Antzerkia
- Batukada
- Zineklub feminista
- Bestelako adierazpen artistikoak



GIPUZKOA
ETORKIZUNA ORAIN
Es futuro

AHALDUNTZERAKO TALDE IRAUNKORRAK

Emakume guztion ahalduntzea sustatu nahi da. Hala ere kolektibo ezberdinei irekitako **talde babesak** aurki ditzakegu bertan.

- Emakume migratuen edota arrazializatuen ahalduntze taldeak.
- Adinaren araberako ahalduntze taldeak: Emakume adinduen ahalduntze taldeak, gazteen ahalduntze taldeak, besteak beste.
- Zaintza gaiaren inguruko ahalduntze taldeak: Etxeko langileak, zaintza ardurak dauzkaten senideak, besteak beste.
- Indarkeria matxistatik atera diren emakumeen taldeak.
- ...

AHOLKULARITZA ZERBITZUAK

Horrelako zerbitzuak egon ohi dira Etxeetan:

- Aholkularitza juridikoa
- Aholkularitza Psikologikoa
- Etxeko langileentzako lan-aholkularitza
- Aholkularitza sexu-afektiboa
- Enplegurako aholkularitza.
- ...

JABEKUNTZA ESKOLA

Ikastaro puntualak eta luzeak, emakumeen eta gizonen berdintasuna, rol eta estereotipoak deseraikitzea eta hausnarketa feminista sustatzen dutenak. Hauek adibide batzuk dira:

- **Gure gorputzaz jabetzeko saioak:** Osasuna eta norberaren zaintzaren inguruko saioak, emakumeak kirolean sustatzeko saioak, besteak beste.
- **Feminismoen inguruko saioak:** Genealogia feminista, eko-feminismoa, feminismo beltzak, besteak beste.
- **Indarkeria matxistari aurre egiteko saioak:** Autodefentsa feminista, mikromatxismoak identifikatuz, besteak beste.
- **Autonomia-burujabetza lantzeko ikastaroak:** Etxeko brikolajeak, bizikleta konpontzeko tailerra, teknologien ingurukoak, besteak beste.
- **Genero ikuspegia arlo ezberdinetan lantzeko saioak:** Hirigintza genero ikuspegitik, kirola genero-ikuspegitik... besteak beste.